



*Le scenar dla lüsa alta se é sposté tratan l'ultim fin dl'edma a Deutschnofen sön la pista "Pfösl Riep", ulach al é gnü tigní do da 22 agn i campionac provinziail de lüsa alta.*

I campionac provinzia é uramai n apuntamënt tradizional tl sport dla lüsa alta. In chësc ann é la sezion dla lüsa da Deutschnofen che s'à tut sö l'impegn de organisé la competiziun, che é ruvada a süa ventiduejima ediziun. Te chësc post él gnü tigní tl'ann 1995 i prüms campionac dla Provinzia. N gran lâlt por l'organisaziun y la pista arjignada ca te condizuns otimales por garejé, cun temperaturës cialdines a + 12°.

Al start se presentëia plö de 100 atlec fora de 17 sezions da düti Südtirol, indo n iade ne se ascogn nia i ladins, che fej bela parüda dan en bel publich. Le miú di dui dis de gara é le jonn campion da Lusen Roman Kaser, che mostra sö le miú tēmp dla sabeda y dla domēnia y se aiudichëia insciö le or cun le miú tēmp asolut de 2'00.98. L'atlet Tschaffert Diego à dassenn

porvé de sciampé dant mo mëss ester cuntënt cun le bun secundo post a + 0'01.12.

Chisc i resultat finai dles singoles categories dla schira de atlec ladins: Peccei Lara 2.post, Miribung Elena 3. Post, Rubatscher Manuela 3. Post, Nagler Luisa 4. Post, Moling Matthias 3. Post, Brunner Philipp 2. Post, Frenes Oliver 3. Post, Pescollderung Roman 5. Post, Peccei Lukas 5. Post, Ploner Alex 6. Post,

Por i atlec de lüsa alta él ciamò 2 gares de gran valüta sön le program, chësc fin dl'edma i tan aspetà campionac europeics a Obdach tl'Austria, daulache i atlec de Südtirol pëia ia sciöche favoric. Cun la fin dl mëis, plö avisa ai 25 de furà, gnarà la sajun dla lüsa stlütta jö cun la finala de Copa de Südtirol, organisada in chësc ann dala sezion lüsa da La Val sön la pista „Do Juvel“ a Longiarü.

I plazamënc di campionac provinziail 2017: [risultati](#)



